

Gawaing Pampagkatuto sa Pag-aaral ng Kasaysayan at Lipunang Pilipino

Kuwartar 1

Linggo
6

PAG-AARI NG PAMAHALAAN
HINDI IPINAGBIBILI

Ang materyal na ito ay inilaan lamang para sa paggamit ng mga guro na kalahok sa pilot implementation ng *Strengthened Senior High School Curriculum*. Layunin nito na tumulong sa paghahatid ng mga nilalaman, pamantayan, at kasanayang pampagkatuto ng kurikulum. Ang anumang hindi awtorisadong pagkopya, pamamahagi, pagbabago, o paggamit ng materyal na ito labas sa itinakdang saklaw ay mahigpit na ipinagbabawal at maaaring magresulta sa angkop na mga legal na hakbang at kaparusahan.

Ang mga akda na ginamit sa materyal na ito ay nagtataglay ng karapatang-ari ng mga iyon. Pinagsumikapang matunton ang mga ito upang makuha ang pahinulot sa paggamit ng materyales. Hindi inaangkin ng mga bumuo ng materyales ang karapatang-arang iyon.

Bumuo sa Pagsusulat ng Banghay-Aralin

Manunulat: John Kenneth M. Cuadra
NCR-SDO Parañaque
Tagasuri ng Nilalaman: Jake Laurence E. Rivero
MIMAROPA – SDO Occidental Mindoro
Consultant: Dr. Michael Charleston “Xiao” B. Chua
Learning Area Specialist: Marlon F. Adlit

Bureau of Curriculum Development
Bureau of Learning Delivery
Bureau of Learning Resources

Pinagsikapang tiyakin ang kawastuhan ng mga impormasyon na nasa materyal na ito. Para sa katanungan o puna, maaaring sumulat o tumawag sa Tanggapan ng Direktor ng Bureau of Learning Resources sa pamamagitan ng pagtawag sa mga numero ng telepono (02) 8634-1072 at 8631-6922 o sa pamamagitan ng email sa blr.od.@depd.gov.ph.

PAG-AARI NG PAMAHALAAN
HINDI IPINAGBIBILI

GAWAING PAMPAGKATUTO

Asignatura:	Mabisang Komunikasyon	Kuarter:	1
Bilang ng Aralin:	1	Petsa:	
Nilalaman:	Katutubo at Tradisyunal na Pamamaraan ng Pagpapagaling		
Pangalan:		Baitang:	

Katutubo at Tradisyunal na Pamamaraan ng Pagpapagaling

Bago dumating ang makabagong medisina at mga ospital, ang mga ninuno nating Pilipino ay mayroon nang sariling kaalaman at paniniwala tungkol sa kalusugan at pagpapagaling. Ang mga ito ay batay sa malapit na ugnayan sa kalikasan, espiritwal na paniniwala, at kolektibong karanasan ng pamayanan. Hanggang ngayon, sa kabila ng pag-unlad ng agham medikal, marami pa rin sa ating mga kababayan ang naniniwala at umaasa sa katutubong at tradisyunal na paraan ng pagpapagaling – bilang alternatibo, dagdag, o pamalit sa modernong gamot.

Halamang Gamot: Lunas mula sa Kalikasan

Ang mga halamang gamot ay bahagi ng likas na medisina ng mga Pilipino. Ilan sa mga pinakakilalang halamang gamot ay:

- **Lagundi** – ginagamit para sa ubo at hika
- **Bayabas** – antiseptiko sa sugat at pangmumog para sa impeksyon sa bibig
- **Sambong** – pantanggal ng tubig sa katawan (diuretic)
- **Akapulko** – panlaban sa fungal infection gaya ng an-an at buni
- **Tsaang Gubat** – para sa pagtatae at sakit sa tiyan

Hindi lamang ito epektibo, kundi abot-kaya at madaling makuha sa mga bakuran, kagubatan, at pamilihan sa barangay.

Mga Tradisyunal na Manggagamot at Ritwal

Bukod sa halamang gamot, kilala rin ang mga sinaunang Pilipino sa espiritwal at ritwal na paraan ng panggagamot. Ang mga paraang ito ay may paniniwala na ang sakit ay hindi lamang pisikal, kundi maaaring bunga ng espiritwal na enerhiya, sumpa, bati, o pagkasira ng balanse sa kalikasan.

♦ **Baylan / Babaylan** Sila ang espiritwal na lider o manggagamot sa mga pamayanang katutubo. Karaniwan silang babae o may mataas na sensibilidad. Sila ay nagsasagawa ng ritwal para sa kagalingan, paghingi ng gabay sa mga espiritu, o pag-aalay sa mga diwata.

♦ **Tutho** Isang ritwal na may pag-aalay ng dugo ng hayop (gaya ng manok o baboy) upang mapawi ang sakit o salot. Ito ay karaniwang ginagawa upang muling mapasigla ang espiritwal na kalagayan ng tao o komunidad.

♦ **Hilot** Isang paraan ng masahe gamit ang langis, init, o dahon upang ayusin ang "lamig", pilay, o baradong ugat sa katawan. Ang hilot ay hindi lamang pisikal na paghilom kundi sinasabayan din ng orasyon o panalangin ng manghihilot.

♦ **Tawas** Isinasagawa upang malaman ang sanhi ng karamdaman na pinaniniwalaang galing sa masamang espiritu o "bati". Tinatunaw ang tawas at

binubuo sa tubig upang mabasa ang anyo nito, at bigyang-kahulugan ang "pinagmulan" ng sakit.

♦ **Pausok at Kamangyan** Ito ay mga uri ng paglilinis ng enerhiya sa paligid. Ginagamit sa bahay o katawan ang usok ng kamangyan o tuyong dahon upang palayasin ang masamang espiritu o negatibong enerhiya. Karaniwan itong isinasagawa bago o pagkatapos ng sakit, o sa mga okasyong may ritwal.

💡 **Kahalagahan sa Kasalukuyang Panahon**

Ang mga tradisyunal at katutubong paraan ng pagpapagaling ay may malalim na ugat sa ating kasaysayan, kultura, at espiritwalidad. Bagama't hindi lahat ng ito ay may siyentipikong patunay, marami sa mga ito ay kinikilala na rin ng makabagong agham. Halimbawa, may mga halamang gamot na aprubado ng Department of Health bilang "herbal medicine".

Bukod dito, ang pagpapanatili sa mga kaalamang ito ay bahagi ng pagsasalin ng kulturang Pilipino sa bagong henerasyon. Habang patuloy ang pag-unlad ng medisina, mahalaga ring kilalanin, igalang, at isaliksik ang mga kaalamang pamana sa atin ng ating mga ninuno.

I. Gawain Bilang 1: "Saan Ito Ginagamit?" (Matching Type)

II. Layunin: Maunawaan ang gamit at layunin ng bawat tradisyunal na pamamaraan ng pagpapagaling.

III. Kagamitan: Papel at Ballpen

IV. Panuto: I-match ang mga nasa Hanay A (paraan ng pagpapagaling) sa tamang gamit sa Hanay B.

Hanay A

- _____ 1. Hilot
- _____ 2. Tawas
- _____ 3. Kamangyan
- _____ 4. Baylan
- _____ 5. Pausok

Hanay B

- A. Ginagamit sa espiritwal na ritwal upang matukoy ang sakit sanhi ng "masamang mata."
- B. Ginagamit na insenso upang linisin ang kapaligiran mula sa negatibong enerhiya.
- C. Espiritwal na manggagamot na nagsasagawa ng ritwal sa mga sinaunang pamayanan.
- D. Pinapasok ang usok sa paligid upang mapawi ang sakit at espiritwal na problema.
- E. Tradisyunal na masahe para sa pananakit ng katawan o pilay.

- I. Gawain Bilang 2: “Guhit Ko, Gamot Mo” (Drawing & Short Reflection)**
- II. Layunin:** Maipakita ang pag-unawa sa paggamit ng halamang gamot sa pamamagitan ng malikhaing paraan.
- III. Kagamitan: Bond paper, lapis, crayons at ballpen**
- IV. Panuto**
1. Gumuhit ng isang halamang gamot na kilala sa inyong lugar (hal. lagundi, akapulko, sambong, etc.).
 2. Sa ibaba ng iyong guhit, sagutin ang mga sumusunod sa 2–3 pangungusap bawat isa:
 - a. Anong halaman ito?
 - b. Para saan ito ginagamit?
 - c. Bakit mahalagang mapanatili ang kaalaman sa halamang gamot?
- I. Gawain Bilang 3: “Kuwento ni Lola: Interbyu at Paglalagom” (Reflective Writing)**
- II. Layunin:** Makapangalap ng lokal na kaalaman sa komunidad at makabuo ng pagninilay.
- III. Kagamitan:** papel at ballpen
- IV. Panuto:**
1. Mag-interbyu ng isang nakakatanda sa inyong pamilya o komunidad. Tanungin kung anong tradisyunal na paraan ng pagpapagaling ang ginamit o nakita na nila.
Halimbawa ng tanong:
 - “Ano po ang karaniwang halamang gamot na ginagamit ninyo noon?”
 - “May kilala po ba kayong hilot, baylan, o gumagamit ng tawas?”
 2. Isulat sa isang talata (5–7 pangungusap) ang iyong natutunan mula sa kanilang karanasan.
 3. Sa huling bahagi, magsulat ng sariling pagninilay kung bakit dapat pahalagahan at isabuhay ang mga katutubong kaalamang ito sa kasalukuyan.